

*„Jedna si BiH, jedina moja domovino!“*

*Prođoh Bosnom kroz gradove  
i napojih ljepotom oči ove.  
Da me prati, poput sjene,  
kroz život i moje vene.*

*Misli mi riječi traže,  
Jer o njoj puno ima da se kaže.  
Ko govori da je Bosna pusta,  
znajte da su mu neiskrena usta.*

*Svaki grad nešto posebno ima  
i ja hoću to da prenesem svima.  
Da kroz moje stihove doživite divotu,  
svu istinsku bosansku ljepotu.*

*Sarajevo krase Baščaršija stara,  
sagrađena za vrijeme turskih vladara.  
Tu je i Vijećnica, austrougarska dama,  
koja ljepotu daruje nama.*

*A na jugu, u gradu Mostaru,  
Neretva hladna zelena teče.  
Nad njom nadvijen Stari most  
“Ostani ovdje!”, kao da reče.*

*Eh, Banja Luko, stari grade,  
u tebi, zamalo, srce mi stade!  
Tvoj je Vrbas izvor sevdaha,  
Što melodijom talasa ostavlja bez daha.*

*Ponosita je gradačačka kula,  
kao da je hvalospjeve čula.  
Na njoj sjena Husein-kapetana  
stoji usred velikih megdana.*

*Kad me, tako, upita neko:  
„Šta bih o Bosni još rek'o?  
Šta to u Jajcu tako lijepo ima?“  
„Naravno, vodopad“, govorim svima.*

*I za kraj, što se najviše voli,  
grad je Tuzla, na „zrnu soli“.  
Lijepa je Bosna i Hercegovina,  
jedina moja domovina.*

**Amna Hasić, učenica III razreda**  
**Javna ustanova Gimnazija „Ismet Mujezinović“ Tuzla**  
**060 3049120**